

DURANGO

Udala • Ayuntamiento

Idazkaritza
Secretaría

**DURANGOKO UDALAREN ETA BIZKAIKO BERTSOLAZALE ELKARTEAREN
ARTEAN IZENPETUTAKO HITZARMENA**

Durangon, 2017ko ekainaren 28an

BILDURIK: Batetik, **OLAIA ALBIZU GALLASTEGI andrea**, NAN 15.398.608-Q, DURANGOKO UDALEKO alkateordea, eta ekintzaren fede ematen duen Idazkari Nagusi **RAMON SORARRAIN TOLOSA** jaunak lagundurik, NAN 14.586.472-X.

Eta, bestetik, **ASIER IBAIBARRIAGA APOITA** jauna, NAN 15.392,650-S zenbakiduna, **BIZKAIKO BERTSOZALE ELKARTEAREN** presidente moduan.

DIHARDUTE: **OLAIA ALBIZU GALLASTEGI** andreak, alkateorde delarik 2016ko ekainaren 1eko 2016/0995 alkate-dekretu bidez onarturiko delegazioarekin bat etorriz; **RAMON SORARRAIN TOLOSA** jaunak, Udaleko Idazkari Nagusi moduan eta **ASIER IBAIBARRIAGA APOITA** jaunak, **BIZKAIKO BERTSOZALE ELKARTEAREN** presidente moduan eta berau ordezkatzuz, aipatutako elkartearen zuzendaritza batzordearen akordioarekin bat etorriz.


AITORTU ONDOREN bata besteari behar besteko gaitasun juridikoa hitzarmena aurrera eramateko.

ADIERAZTEN DUTE:

I.- **BIZKAIKO BERTSOZALE ELKARTEAREN** helburu nagusia, beren estatutuen arabera, honako hau da: "Bertsolaritzaren geroratzea ziurtatzea. Horretarako, herri mailan bertsolaritzarekin zerikusia duen ekosistema osoa elikatzea beharrezkoa da, besteak beste, herriko ikastetxeetako jarduna."

Helburu nagusia lortzeko bidean bertsogintza bitarteko izango da, hau da, bertsolaritza ikasgaia hezkuntza arautuko curriculumean sartuko da ikasgai modura eta, ikasleek bertsoak lantzeaz ikasteaz gain, euskararen erabilera handituko da eta kalitatea hobetuko."

II.- Durangoko Udalak lankidetzaz-esparru bat formalizatu nahi du **BIZKAIKO BERTSOZALE ELKARTEAREKIN** aipatutako ekintzak sustatzeko interes amankomuna bideratzeko asmoz. Horrexegatik, ondorengo lankidetzaz-hitzarmena izenpetzen da, jarraian aipatzen diren betebeharrak aintzat hartuta:




BETEBEHARRAK:

DURANGOKO UDALAK HARTZEN DUEN KONPROMISOA.- Durangoko Udalak 7.000,00 (ZAZPI MILA) euroko diru-laguntza emango dio BIZKAIKO BERTSOZALE ELKARTEARI. Diru-laguntzak xede izaera izango du, eta aipatutako elkarteak Durangoko Udalarekin hartuko dituen konpromisoei aurre egiteko erabiliko da.

BIZKAIKO BERTSOZALE ELKARTEAK HARTZEN DITUEN KONPROMISOAK

- *GU ERE BERTSOTAN* proiektua abiaraztea herriko ikastetxeetako hezkuntza arautuan, hau da, lehen hezkuntzako 6. mailako eskola-curriculumean bertsogintza-jarduna txertatzea.
- Eskola-jarduna baliatuz bertsotarako zaletasuna piztea eta bertsogintzari funtzionalitatea ematea.
- Hurrengo helburuak lortzeko egitasmoa gauzatzea:
 - Gaitasun mailan:
 - Bertsolaritza den kultur adierazpidearekiko oinarritzko ezagutza izatea.
 - Bertso-zaletzea eta euskararekiko jarrera positiboa izatea.
 - Hizkuntza-komunikaziorako konpetentzia garatzea.
 - Jende aurreko emanaldi bat burutzeko oinarritzko betekizunak ezagutzea eta egoki baliatzea.
 - Taldean harreman onak sustatzea.
 - Ikastetxe/herri mailan:
 - Ikastetxean/herrian bertsozaletasuna eta bertsolaritza sustatzea.
 - Ikastetxeaz kanpo haurrek jarraipena ematea zaletasun horri beren inguruan.
- Ikasleak gaitzea bertso-idatziak egiteko eta bat-bateko piezak osatzeko.
- Ikastetxeko festa eta ospakizunetan bertsolaritzaren presentzia sustatzea.
- Bertsolari gazte zein eskarmentudunak ezagutzera ematea, posible den kasuetan eskoletara gerturatuz.
- Jasotako diru-laguntza justifikatu egin behar da, hitzarmen honetan jasotako konpromisoak bete direla dagozkion egiaztagiria aurkeztuta, 2017ko urriaren 1a baino lehen.

DIRU-LAGUNTZA ORDAINTEKO ERA.- Durangoko Udalak honela ordainduko dio BIZKAIKO BERTSOZALE ELKARTEARI: %80a hitzarmena indarrean sartzen den hilabeteko azkeneko egunean ordainduko da. Gainerako %20a, diru-laguntza eman izanagatik helburua bete ondoren eta gastua justifikatu ostean ordainduko da.



Justifikatzerako orduan hitzarmen honetan hartutako konpromisoak bete direnei buruzko dokumentazio egiaztagarria ere aurkeztu behar da. Ez da fidantzarik jarri behar izango administrazioak aurreraturiko diru-kopuruarengatik. Ordainketa diru partida honen kargura egingo da: 61.3350.48101.

IRAUPENA.- Hitzarmena bertan behera geratuko da 2017ko urriaren 1ean.

HITZARMENA BERTAN BEHERA UZTEA.- BIZKAIKO BERTSOZALE ELKARTEAK hartu dituen konpromisoak betetzen ez badira, lankidetzaz hitzarmena bertan behera geldituko da, eta jasotako diru-laguntza itzuli beharko da, halaxe ezartzen baitute diru-laguntzei buruzko 38/2003 Lege Orokorraren 41etik 43ra arteko artikuluek.

BATERAGARRITASUNA.- Diru-laguntza hau bateragarria da beste erakunde publiko edo pribatuetatik jaso daitekeenekin. Nolanahi ere, eta gain-finantzaketa izan ez dadin, onuradunak, gastua justifikatzerako orduan, beste erakundeetatik jaso izan dituen diru-laguntzen egiaztagiriak aurkeztu behar ditu.

ARAUDI OSAGARRIA.- Hitzarmen honek ezartzen ez duenari dagokionez, honako lege testuak hartuko dira aintzat: Durangoko Udalaren diru-laguntzak eta bestelako laguntzak arautzen dituen Ordenantza; diru-laguntzei buruzko 38/2003 Lege Orokorra; 887/2006 Errege Dekretua eta toki erregimeneko araudi bateragarria.

Adostutakoaren lekuko, partaideek honako hitzarmen honen bi ale izenpetu dituzte, goiburuan adierazitako lekuan eta egunean.

BIZKAIKO BERTSOZALE ELKARTEAREN izenean,

DURANGOKO UDALAREN izenean,

Izp: ASIER IBAIBARRIAGA APOITA

Izp: OLAIA ALBIZU GALLASTEGI

Idazkari Nagusia,
Izp: RAMON SORARRAIN TOLOSA